



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Unus Pro Omnibus, Hoc est: Christus Jesus Dei Filius**

**Ginther, Anton**

**Augustæ Vindelicorum, 1733**

**VD18 12431648**

Ad lectorem benevolum Christi crucifixi cultorem & amatorem.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)



Ad lectorem benevolum Christi crucifixi cultorem & amatorem.

I.

**R**Ecite Vates Regius: *Beatus qui intelligit super egenum & pauperem: in die mala liberabit eum Dominus.* Quæres hic, Lector prudens, quis sit ille egenus & pauper, super quem debemus intelligere? Respondent S. Ambrosius, S. Hieronymus, S. Augustinus, Bellarminus & alii: Christus & hic crucifixus est ille pauper & egenus, super quem primario debemus intelligere: pauper in nativitate inter duo jumenta reclinatus, pauper per omnem vitam, pauper, imò pauperrimus in cruce inter duos latrones nudus suspensus, & pro omnium salute mortuus. *O verè beatus, qui intelligit super hunc egenum & pauperem: In die mala, hoc est, in die mortis & judicii, liberabit eum Dominus.* Audi Eminentissimum Cardinalem Bellarminum: *Beatus, inquit, qui intelligit super Christum pauperem, nudum videlicet in cruce pendentem, id est, qui attentè cogitat passionem ejus: infinitus enim thesaurus paratus est Christi passionem, ut par est, intelligentibus, & diligenter meditantibus.*

Pf. 40. v. r.

Le Blanc hic.

Bellarmino, hic in Psal. 40. v. i.

Ginther Unus pro omnibus.

X a

II. Et



## II.

1. Cor. 2.  
v. 1.

Et hic est finis scriptiōnis meæ, ad quem in hoc quarto opusculo meo collimavi, proponere nimirum omnibus Christum JESUM & hunc crucifixum ad meditandum, prædicandum, amandum, colendum & imitandum; quia inter omnia veræ pietatis exercitia nihil præstantius, nihil DEO gratius, nihil homini utilius, quàm meditari de crucifixo JESU, omnia enim hic habemus in uno, qui *Unus pro omnibus* mortuus est: *Non judicavi*, ait gentium Doctor Paulus, *me scire aliquid inter vos, nisi JESUM Christum, & hunc crucifixum.* Sufficiat ergo nobis hæc scientia: *Si JESUM discis, satis est, si cætera nescis.*

## III.

Heb. 12.  
v. 2.

Habet ergo hic cum primis Venerandus Sacerdos quam sequatur ideam. Sicut enim Pictor, qui ex alio prototypo imaginem exprimere & imitari satagit, exemplar suum continuò respicit, juxta quod lineas suas format, ducit & componit: Ita Sacerdos tum sæcularis, tum regularis Christum pro nobis passum & crucifixum, tanquam perfectissimam suarum actionum ideam & regulam quotidie intueri debet, juxta quam vitæ suæ normam & vocationem dirigat: *aspicientes* (ait Apostolus) *in auctorem fidei & consummatorem JESUM, qui proposito sibi gaudio sustinuit crucem, confusione contemptâ.*

## IV.

1. Cor. 1.  
v. 23.

Habet & verbi divini Præco, quem prædicet, & populo Christiano annuntiet; qui pro objecto non aliud ab eodem Apostolo quàm Christus JESUS & hic crucifixus præscribitur: *nos prædicamus Christum crucifixum.* In hunc finem majores nostri prudenter ordinârunt, ut in cathedra imago quædam devota crucifixi Redemptoris nostri collocaretur ad admonendum concionatorem, quem populo intimare, ac prædicare debeat, & tanquam efficacissimum omnium virtutum exemplar proponere:

nerè:



nere: nihil enim obdurata hominum corda magis movere, mentesque efficacius ferire solet, quam sermo devotus de patiente & crucifixo JESU: *vivus enim est hic sermo DEI & efficacax, & penetrabilior omni gladio ancipiti, & pertingens usque ad divisionem animæ & spiritûs.*

Hebr. 4.  
v. 12.

V.

Habet insuper & homo sæcularis exemplar, quod ipsi in monte Golgothæo monstratum est, quod in vita & in morte imitetur: Et sicut ille, qui in mari periculoso navigat; ad certum aliquod cœli sidus solet attendere, juxta quod cursum suum dirigit, ne à portu sibi proposito aberret: Si homo Christianus in tot animæ, corporisque constitutus periculis, si in hoc mari magnò & spatioso hujus mundi à vero beatitudinis portu aberrare non velit, pro cynosura sua crucifixum JESUM sibi proponat, cujus auxilio protectus, semper tum in vita, tum in morte intrepidus stabit: *Ubi tuta, (subintrat hîc S. Bernardus alloquens animam fidelem) firmaque securitas, nisi in vulneribus Salvatoris? tanto illic securior habitas, quanto ille potentior est ad salvandum. Tremat mundus, premat corpus, diabolus insidietur, ne time, quia in foraminibus petreæ securus es.*

S. Bernard.  
ser. 61. in  
Cant.

VI.

Habent denique mortales omnes, dives & pauper, ac omnes in unum in hoc crucifixo JESU aliquod speculum, in quod sæpius intueantur, & omnes actiones suas ad majorem illius gloriæ dirigant. Et sicut olim in tabernaculum ingredientibus, prius vultum suum in æneo ac nitidissimo speculo debebant considerare, ut si quid maculosi in corpore invenirent, illud quanto citius corrigerent, atque emendarent: Ita, inquam, mortales omnes faciant, & sæpius de die, ac præsertim tempore tentationis aut tribulationis oculos in piam & sanctam crucifixi Salvatoris imaginem, domi in honorato loco expositam, con-

Exod. 38.  
v. 8.



Lud. Blof.  
fpirit. c. 12.

jiciant, ubi in veritate illud experientur, quod ipse Christus sanguinum Sponsus sanctis Virginibus Gertrudi, Mechtildi, & Catharinæ Senensi multoties revelavit asserendo: *quoties anima fidelis crucifixi Salvatoris imaginem aspicit, ejusque SS. vulnera in memoriam revocat, toties vicissim divinæ misericordiæ oculos in ipsam refecti, & efficaciter converti.*

## VII.

1. Cor. 10.  
v. 1.

Math. 7.  
v. 24.

Et hoc est amice Lector, quod in hoc tenui meo opusculo te prius monere volui, in quo non eleganti verborum apparatu auribus tuis placere, sed potius humili, non tamen indigno stylo (prout Christi passio requirit) in amore crucifixi Salvatoris tui cor tuum ferire studui. Tu si sapiens es, supra hanc petram ædifica. *Petra autem erat Christus.* Talis homo, ait ipsa veritas Christus: *assimilabitur viro sapienti, qui ædificat domum super petram, & descendit pluvia & venerunt flumina, & flaverunt venti, & irruerunt in domum illam, & non cecidit, fundata enim erat supra petram.* Ecce quàm tutum ac securum sit tum in vita tum in morte cum mystica illa columba nidum suum in hac firmissima petra collocasse. De reliquo omnia, quæ in hoc opere continentur, censuræ sanctæ Matris Ecclesiæ humiliter subjicio. Vale, & hoc elogium Antitheticum languentis, patientis, morientis Christi, quod Ferdinandus III. Augustissimus Imperator inter tot Imperii, Orbisque curas quotidie ad pedes crucifixi meditabatur, tibi familiare redde, & Imperatorem tuum imitare, nunc Carolum VI.

## VIII.

Oratio  
quotidiana  
Ferdinandi  
III. Imper.  
com. Crit.  
cifixo, &  
nunc Caro-  
li VI.

Tristatur in horto lætitia Angelorum. Affligitur in anima refectio animarum sanctarum. Solarur Angelus solatium afflictorum. Traditur furori luporum mansuetissimus Agnus. Capitur quem cœli & terra capere non possunt. Ligatur qui nostra solvit vincula. Judici præsentatur Judex vivorum & mortuorum.



tuorum. Negatur à Petro petra ipsa Christus. Facies illa velatur, in quam desiderant Angeli prospicere. Falsò accusatur veritas æterna: Non respondet verbum, per quod Verbum facta sunt omnia. Indecorè nudatur, qui vestit univèrsa. Tremunt, coram quo tremunt Potestates. Dirè flagellatur Dominus in similitudinem servi factus. Ignominiosè coronatur Rex Regum, & Dominus dominantium. Stultitiæ insimulatur Sapientia Patris. Nocens dimittitur, Innocentia damnatur. Ponderi crucis succumbit, qui tribus digitis appendit molem terræ. Crucifigitur tanquam latro ipsè DEI Filius. Moritur DEUS homo factus, ut te hominem deificaret; & immortalem redderet. Morere & tu concupiscentiis tuis, ut vivas Christo. Morere mundo, ut vivas cœlo. Morere tibi ipsi, & omnibus affectibus pravis, ut vivas DEO pro te mortuo in cruce.

**Oratio Ecclesiæ.**

**R**espice, quæsumus Domine, super hanc familiam tuam, pro qua Dominus noster Iesus Christus non dubitavit manibus tradi nocentium, & crucis subire tormentum, qui tecum vivit & regnat in sæcula sæculorum, Amen.



X 23

IN-